

AWIG - AWIG
DESA ADAT DLOD TUKAD



DESA : BATUBULAN
KECAMATAN : SUKAWATI
KABUPATEN : GIANJAR

P I D A G I N G
MAKA BANTANG AWIG AWIG DESA ADAT. DILOD TUKAD

	MURDHA - CITTA	Widang
SARGA	I ARAN LAN WAWIDANGAN DESA.....	1
SARGA	II PATITIS LAN PAMIKUKUH.....	3
SARGA	III SUKERTA TATA PAKRAMAN	4
	- Palet 1 Indik Krama.....	4
	- Palet 2 Indik Prajuru/Dulun Desa.	7
	- Palet 3 Indik Kulkul.....	9
	- Palet 4 Indik Paruman.....	10
	- Palet 5 Indik Druwen Desa.....	12
	- Palet 6 Sukerta Pamitegep.....	14
	Kaping 1 Karang, Tegal	
	lan Carik.....	14
	Kaping 2 Pepayonan.....	15
	Kaping 3 Wewangunan.....	16
	Kaping 4 Wewalungan.....	17
	Kaping 5 Bhaya.....	17
	Kaping 6 Panyanggran Ban-	
	jar.....	19
SARGA	IV SUKERTA TATA AGAMA.....	21
	- Palet 1 Indik Dewa Yadnya.....	21
	- Palet 2 Indik Resi Yadnya.....	30
	- Palet 3 Indik Pitra Yadnya.....	31
	- Palet 4 Indik Manusa Yadnya.....	38
	- Palet 5 Indik Bhuta Yadnya.....	39

SARGA

V SUKERTA TATA PAWONGAN:

- Palet 1 Indik Pawiwahan..... 42
- Palet 2 Indik Nyapihan..... 45
- Palet 3 Indik Santana..... 47
- Palet 4 Indik Warisan..... 49

SARGA

VI WICARA LAN PAMIDANDA..... 53

- Palet 1 Indik Wicara..... 53
- Palet 2 Indik Pamidanda..... 53

SARGA

VII NGUWAH - NGUWUHIN AWIG AWIG..... 56

SARGA

VIII P A M U P U T 57

=== WS ===

MURDHA CITHA

AUM, OM

Om Swastyastu, Om Iwighnamastu Nama Sidham, putusing
Krama Desa Adat Dlod Tukad Batubulan gumawa Awig -
Desa Pakraman maka sepat siku-siku pematut, wastu
sidhan prayojanan mami kabeh prasama anghidep miwah a-
baken kadi linging Awig-Awig iki.

Iwah
anjar

SARGA I

ARAN LAN WAWIDANGAN DESA

Pawos 1

Desa Adat puniki mawasta Desa Adat Dlod Tukad Batubulan.

Jebar kakuwub wawidangannya mawatas nyatur :

- a. Sisih Wetan ring Desa Adat Batubulan Kangin lan De-
sa Adat Lembeng.
- b. Sisih Kulon ring Desa Adat Kertajiwa, Desa Adat
Tohpati, Desa Adat Penatih Dangin Puri mina kadi :
Banjar Bekul, Banjar Buaji, Banjar Gunung lan Ban-
jar Laplap.
- c. Sisih Lor ring Desa Adat Jero Kuta.
- d. Sisih.....

d. Sisih Kidul ring Segara.

(3) Desa puniki kawangun antuk karang ayahan Desa, miwah karang guna kaya turmaning kaepah dados pitung Banjar luwire :

a. Banjar Adat Tubuh.

b. Banjar Adat Kalah.

c. Banjar Adat Buitan.

d. Banjar Adat Kapel.

e. Banjar Adat Tegeha.

f. Banjar Adat Manguntur.

g. Banjar Adat Sasih.-

SARGA II

PATITIS LAN PAMIKUKUH

Pawos 2

Desa Adat Dlod Tukad ngamanggehang Pamikukuh minakadi :

- a. Pancasila.
- b. Undang-undang Dasar 1945 pamekas Pasal 18.
- c. Perda Propinsi Daerah Tingkat I Bali No: 06 Tahun 1986.
- d. Tri Hita Karana manut sada cara agama Hindhu.

Pawos 3

Luwir Patitis Desa Adat Dlod Tukad :

- a. Mikukuhin miwah ngrajegang Sang Hyang Agama :
- b. Nginggilang Tata Prawertining ma-agama Hindhu.
- c. Ngrajegang kasukertan Desa saha Pawongannya sakala lan niskala.

SARGA III

SUKERTA TATA PAKRAMAN

Palet I

Indik Krama

Pawos 4

- (1) Sane kabawos Krama Desa, inggih punika kulawarga sane ma-agama Hindhu jenek mapaumahan saha ngamong karang Desa utawi karang guna kaya.
- (2) Sejaba punika kasinanggeh tamiyu.

Pawos 5

Krama Desa wenten petang pawos luwire :

- a. Krama ngarep, penempet, penyada, pengele, kulawarga sane ngamong karang.
- b. Krama tapukan, kulawarga manut aksara a ring ajeng, sake wanten durung antes ngayah (sane lanang durung mayusa 17 warsa, sane istri durung mayusa 16 warsa).
- c. Krama Balu, kulawarga manut aksara a sane katinggalin seda olih lanang utawi istrinnyane utawi sangkanin nyapihan.
- d. Krama Pangempian, kulawarga sane tanpa karang sakewanten sampun mawiwaha, kabawos Krama Banjar Patrus.

Pawos 6

Kawit dados Krama Desa :

- a. Sangkaning ngamong karang ayahan Desa, utawi karang guna kaya, patut.....

patut tedun ngayah makrama Desa ngarep.

b. Sangkaning mawiwit pawiwahan.

Pawos 7

Panamayan tedun makrama Desa :

a. Ngawit jenek mapaumahan sangkaning ngamong karang.

b. Wusan mabyakala matengeran suaran kulkul sangkaning pawiwahan, nyantos sasih Kesanga.

Pawos 8

Sahanan Krama Desa keni tategenan (ayah-ayahan) miwah urunan luwire :

a. Ayah marep mapiteges urunan miwah ayah-ayahan mamungkul.

b. Ayah Tapukan keni urunan mamungkul, ayah-ayahan luput.

c. Ayah Balu keni urunan mamungkul, ayah-ayahan manut kawentengan Balu inucap.

d. Ayah pangempian mapiteges ayahan mamungkul, miwah keni urunan separo saking Krama marep.

e. Prade wenten salah sinunggil Krama ngawe-awe sane nenten wenten wenang Krama inucap keni pamidanda, sane kawastanin penyamil manut pararem.

Pawos 9

Krama Desa kadadosang :

a. Mapuwangkid utawi nenten tedun :

1) Rikala mapawangunan, meyadnya, sungkan, matepetin

kaluasan.....

kaluasan lan sapatunggilannyane.

2) Polih tempo wantah apisan, sajawaning wenten kawehin
olih Prajuru.

b. Nyuksukin^{nyada} utawi ngayahang sane kadadosang risampun mung-
gah dahan taruna tur mrasidayang nganutin Krama.

c. Yening salah sinunggil nenten wenten nyuksukin utawi nga-
yahang Krama punika patut keni dadosan.

d. Ayah Krama Desa Sane wenten mekarya ring dura Desa dados
majegin ayah manut kadi pararem.

e. Nyada, mapiteges ngamademang ayah Krama sampun mayusa 65
warsa, semaliha yening sampun wenten pangentos ayahan,
sang nyada tan dados nyuksukin.

Pawos 10

Wusan dados Krama Desa luwire :

a. Sangkaning :

1) Pinunas ngraga, manawi kesah ka dura Desa, utawi nglang-
kungin segara.

2) Kanorayang : kamenengin dwaning iwangnyane satata lem-
pas ring Awig-Awig lan pararem.

b. Sang wusan makrama :

1) Patut ngaturang karang ayahan ka Desa, prade karang pu-
nika karang Desa.

2) Nenten polih pah-pahan padruwen Desa.

3) Yening...

- 3) Yening malih mewali makrama Desa, kapatutang dados ayah pangempian.

Pelet 2

Indik Prajuru / Dulun Desa

Pawos 11

- (1) Desa Adat Dlod Tukad kaenter olih Bendesa Adat (Jero Bendesa).
- (2) Banjar kaenter olih Kelihan Banjar; Banjar tempekan kaenter olih Kelihan Tempekan.
- (3) Bendesa lan Kelihan Banjar patut :
 - a. Bendesa Adat mawit saking Krama marep.
 - b. Kelihan Banjar mawit saking Krama marep.
 - c. Ka adegang malarapan antuk kecatri olih parumannya sowang-sowang nyabran limang warsa, sajawaning wenten parindikan tiyos tur dados kacatri malih.
 - d. Maduluran pakeling antuk pejati ring Pura Bale Agung.

Pawos 12

- (1) Bendesa Adat kasanggra olih :
 - a. Patajuh pinaka wakil.
 - b. Panyarikan pinaka juru surat.
 - c. Patengen pinaka pangamong druwen Desa.
 - d. Sinoman (saya) pinaka juru arah.

(2) Kasinoman....

- (2) Kasinoman akeh ipun manut kawigunan saha magilir nyabran sasih.
- (3) Sajeroning ngenterang kasukertan niskala Bendesa mingsi - nggihang Pamangku Kahyangan Desa utawi sang rumaga Su - linggih.

Pawos 13

- (1) Swadarmaning Bendesa Adat luwire :
 - a. Ngenterang pamargin sadaging Awig-Awig, pararem lan paswaran Desa.
 - b. Nuntun tur ngenterang Krama rawuhing warga Desa (malapan antuk Awig-Awig) ngupadi manut patitis.
 - c. Mawosin kalih niwakang pamutus marep ring wicara warga Desa.
 - d. Pinaka dutta Desa matemuang bawos ring sapasira ugi.
- (2) Prade Prajuru iwang palaksana keni pamidanda nekel ring kaiwangan sowang-sowang Krama saha dados kararyanang, manut pararem.

Pawos 14

- Patyas utawi olih-olihan Prajuru Desa luwire :
- a. Luput papeson lan prabiya wewangunan / luput manuk.
 - b. Polih tanding tengah.
 - c. Upon pecatu / pelaba carik
 - d. Pikolihan sewosan manut perarem.
 - e. Bendesa Adat polih wastera arangsukan nyabran warsa.

Pawos 15

(1) Prajuru Desa kagentosin riantukan :

a. Seda

b. Kanoroyang dwaning iwang pamargi sangkaning nilar sesa-
na.

c. Mawiwit saking pikayun / pinunas ngraga utawi sampun
tutug sengker limang warsa.

(2) Yening pacang ngentosin Prajuru patut ring sajeroning pa-
ruman tur kaingkupin olih Krama Desa.

Palet 3

Indik Kulkul

Pawos 16

(1) Kulkul ring Desa luwire :

a. Kulkul sowang-sowang Kahyangan.

b. Kulkul Desa Adat.

c. Kulkul Banjar.

d. Kulkul Sekaa-sekaa.

(2) Tabuh tatepakan kulkul luwire :

a. Kalih tulud banban tengeran nedunin ngayah.

b. Kalih tulud bulus tengeran Gni bhaya / Er bhaya.

c. Atulud bulus ping tiga - ping tiga tengeran artha bhaya
lan jiwa bhaya.

d. Atulud.....

- d. Atulud banban tengeran kelayu sekaran / seda.
 - e. Tigang klentungan banban tengeran ngwangdeyang karya.
- (3) Tengeran kulkul ring sowang-sowang bebanjaran :
- a. Ping lima becat tatengeran ngarorod (pengantenan).
 - b. Kalih tulud banban tengeran tedun ngayah.
 - c. Limang klentungan banban tengeran embas putra.
- (4) Kulkul ring sowang-sowang Kahyangan :
- Nungtit (kulkul bedil) tengeran yadnya, surya gra, Bu - lan Kepangan.

Pawos 17

- (1) Kulkul Desa utawi Banjar tan wenang katepak yening tan sangkaning pituduh Prajuru Desa sajawaning tengeran panca bhaya utawi ritatkala ngrupuk.
- (2) Sang nepak tan sangkaning pituduh patut digelis atur supekse maka buatan panepake yan asapunika patut sang mamurug kadanda manut pararem.
- (3) Kulkul sekaa-sekaa semaliha kulkul pondokan tan kalugra nyawerin/matehin sukat utawi tengeran kulkul Desa/Banjar sejawanin rikalaning bhaya, prade mamurug keni pamidanda manut pararem.

Palet 4

Indik Paruman

Pawos 18

- (1) Paruman / sangkepan ring Desa Adat Dlod Tukad wenten :
 - a. Paruman.....

a. Paruman Desa / Banjar, kawentenang :

- 1) Nyabran ngasasih, maka cihna tanpa arah-arrah manut pararem.
- 2) Padgata kala maka jalaran arah-arrah manut tatu - jon.

b. Sangkepan Prajuru Desa, kawentenang manut wiguna.

c. Paruman sekaa-sekaa manut pabuat.

(2) Paruman Desa utawi Banjar madudonan sekadi ring sor :

a. Prasida lumaksana ri sampun katedunin olih sang patut ngamiletin langkungan ring atenga, kamanggala antuk tengeran kulkul miwah mabusana madya, saha tan kalugra makta gegawan saka luwire, tan maren ngarcana ring Ida Bhagawan Panyarikan maka sarana Widhi Widana Cane.

b. Maka sarana semaya pengawit kalaksanayang panyacak sepat saha riwusannya nyacak nawur dadosan agung miwah alit manut pararem.

c. Tan kalugra ngawetuang suara gora utawi biyota, yening wenten asapunika keni pamidanda beya penyamil kadi dandaning panguman-uman ring sabha.

d. Kamanggehang pamutus bawos beriyuk-sepanggul.

(3) Prade pidaging paruman tan keingkupin mangda Prajuru Desa ngilikan bebawos, saha pamutusnya kasobyahang mangda kararemin olih Krama Desa yening tan prasida kasungkemin jantos ping tiga Prajuru wenang nunas bawos ring sang Ngawewenang.

Pawos 19

(1) Sajeroning Paruman Desa, Bendesa patut nyobyahang pemargin ngenterang Desa, pamekas nganining indik :

a. Munjuk lungsuring pakreman saha ayah-ayahan, sulur artha brana druwen Desa.

b. Rencana Prajuru nganinin parencana usaha Desa kapungkur.

(2) Pamutus paruman Desa sinanggeh pararem maka pamitegep daging Awig-Awig.

Pawos 20

(1) Sangkepan Prajuru Desa maduwe kawenangan ngarincikang pangerencana usaha Desa kapungkur.

(2) Sangkepan Prajuru Desa tan kawenang ngawedalang tategenan ring Krama sadereng kaingkupin olih Krama Desa.

(3) Pamutus sangkepan Prajuru Desa ngawentenang paswara maka pituduh sang Ngawawenang utawi ngonekang pecak pararem Krama Desa.

Palet 5

Indik Druwen Desa

Pawos 21

Padruwen Desa Adat Dlod Tukad sekadi ring sor :

a. Kahyangan Desa, luwire :

1.) Kahyangan Tiga : Pura Puseh, Pura Desa, Pura Dalem lan Pura Prajapati.

2) Kahyangan siyosan : Pura Dalem Segara, Pura Dalem Mertha Sari.

- b. Bale Wantilan Desa.
- c. Karang ayahan Desa.
- d. Setra-setra palemahan makadi setra rare, setra pangarep.
- e. Pelaba Pura, makadi :
 - 1) Carik malinggah : 73,5 Are, magenah ring :
 - 58,5 Are dados Terminal
 - 15 Are magenah Dangin Beta.
 - 2) Tegal malinggah : 145,- Are magenah ring :
 - 120,- Are ring panyibeh Pura Dalem.
 - 25,- Are Duwe Pura Dalem magenah ring Banjar Tegeha.
- f. Lelanguan, makadi tatabuhan lan ileh-ilen padruwen Banjar lueire :
 - 1) Gong Krama Banjar.
 - 2) Ilen-ilen wali Pura : Rejang Dewa lan Pendet (Gabor).
- g. Miwah padruweyan seosan.

Pawos 22

Piolih-olihan Desa Adat Dlod Tukad luwire :

- a. Pioli-olihan saking palaba Pura.
- b. Urunan Krama Desa Adat.
- c. Paica saking Guru Wisesa.
- d. Paica sane sewosan, sane patut.
- e. Utsaha Krama Desa.

Pawos 23.....

Pawos 23

- (1) Prajuru Desa wenang ngetangang pamupon laba Pura lan sa-
panunggalan druwen Desa.
- (2) Pikolih lan pamuponnya kaanggen prabya piodalan saha we-
angunan ring Pura.
- (3) Nyabran pesangkepan Desa, Prajuru Pangamong druwen Desa
nguningayang parindikan munjuk-lungsur padruwen Desa ring
Krama Desa.
- (4) Sakaluwiring druwen Desa patut wenten ilikitannya.
- (5) Tan kalugra ngadol utawi makidihang, ngadeyang padruwen
Desa yan tan kasungkemin olih Krama Desa.

Palet 6

Sukerta Pamitegep

Kaping 1

Karang, Tegal lan Carik

Pawos 24

- (1) Krama Desa pangamong karang Desa (tanah sane tan keni ti-
ga sana) patut ngawatesin karang inucap antuk tembok, pa-
gehan utawi turus, mangda pakantenannya asri.
- (2) Wates sisi kaler miwah kangin patut kakaryanin olih sang
ngamong karang ayahan inucap, sane mawasta gegaleng ka-
luwan, sajawanin tanah pecatu, tegal, carik utawi tanah
padruwewan ngaraga; sane kapiara sisi kelod miwah kauh,
utawi manut dresta reh punika mawasta gegaleng kateben.

(3) Prade.....

- (3) Prade kerasayang pagehan / turus inucap ngalikedin, yan pada arsa panyandinge kengin watese nganggen pinget ke-wanten kasaksinin olih Prajuru Desa utawi pracinna patok saking sang Mawak Rat.
- (4) Prade wenten karang kabebeng / embet mangda kautsahayang wenten pamarginnya, manut paigum lan pararem.
- (5) Nenten dados ngalinggisin (nampadin) antuk wewajan.

Pawos 25

- (1) Sinalih tunggil Krama Desa / Banjar tan kalugra :
 - a. Ngalah-alah margi, karang ayahan Desa, tegal, carik lan sapanunggilannya.
 - b. Ngalah-alah tanah, linggih Kahyangan, tegak Setra lan sekancan genah sinanggeh suci.
- (2) Prade wenten sakadi ring ajeng, sang ngalah-alah patut ngawaliang tanah inucap saha keni pamidanda manut pararem, kadulurin upakara ring pengalah-alah linggih suci.

Kaping 2

Pepayonan

Pawos 26

- (1) Ngawit nandur pepayonan, tanem tuwuh patut ngajerowang saking wates adepa agung (2 meter), prade jantos ngaliwat wates wenang kasepat gantungin.

(2) Yening.....

- (2) Yening wenten tatanduran ngungkulin, semaliha mewastu mayanin kapisaga patut kawara antuk paiguman ping ajeng praida sang neruwenang wit ngrebah utawi notor.
- (3) Prade sampun kawara taler tan wenten usaha sang neruwenang wit, sang rumasa katetehan / kajerihan wenang mesadok ring Prajuru tur risampun kaparitatas kapatutang ngicalang wit inucap.
- (4) Sang keni pamidanda panyangaskara saha prabya manut pararem, arep ring wewangunan sang karubuhin luwire :
 - a. Sang neruwenang wit sinanggeh mayanin prade pungkut ngarubuhin wewangunan krama tiyos.
 - b. Sang notor, munggul utawi ngrebah taru ngarubuhin Krama tiyos.
- (5) Krama Desa patut ngamanggehang kawerdian tanem tuwuh sane ngawinang Desane asri.

Kaping 3

Wewangunan

Pawos 27

- (1) Nyabran ngawangun patut :
 - a. Masadok ring Prajuru, ping ajeng prade wewangunan nganinin wates.
 - b. Ngangge sukat astha bhumi miwah gagulak astha kosala kosali, sanistane manut ring patitis niskala.
 - c. Tan nyayubin kapisaga.

(2) Prade.....

- (2) Prade wewangunan jantos nyayubin, bilih-bilih temboke ring telenging wates, ri sampun kawara tur kasadokang ri Praju-ru wenang kadanda manut pararem saha tembok inucap kagubar utawi sanistane mangda kakaryanang abangan.

Kaping 4

Wewalungan

Pawos 28

- (1) Sahana² warga Desa sane mamiara wewalungan, patut sayaga nitenin negul / ngalogor, mangda tan ngarusak karang utawi pabyanan Krama siyos, bilih-bilih jantos ngranjing nga - letehin Kahyangan.
- (2) Prade wenten wewalungan malumbar utawi ngeleb ngarusak karang / pabyanan Krama siyos, ri sampun kawara dados kata - ban tur kadanda ngawaliang wit sane karusak saha nawur panebas papiaraan manut pararem.
- (3) Prade jantos ngaletihin linggih suci, minakadi Pamrajan, ri sampun kaparitatas olih Prajuru Desa, wenang sang neruwenang kadanda mabuhu agung, tatebasan-tatebasan prayascita durmanggala utawi caru panca-sata maulu (mapenangeb) bebek blang kalung; prade jantos ngaletihin Kahyanan Tiga utawi Pura Pemaksan.
- (4) Krama Desa patut nyanggra wewalungan miwah sarwa prani, tan patut ngamademang paksi, nuba ulam miwah sane tiyosan, yan wenten melaksana asapunika keni pamidanda manut pararem tur kaaturang ring sang Ngawawenang.

Kaping 5

B h a y a

Pawos 29.....

Pawos 29

- (1) Pari indik bhaya, luwire jiwa bhaya, artha bhaya (kapan-dungan) dura cara ring Agama.
- (2) Sang manggihin kahanan jiwa bhaya, patut nepak kulkul manut pawos 16 (2) aksara c.
- (3) Prade ring Desa kahanan jiwa bhaya, patut Desane ngaturang bhuta yadnya tur sang mayanin kaatur ring sang Ngawawenang.

Yen ring paumahan sowang-sowang Krama kahanan jiwa bhaya, bhuta yadnya ring ajeng patut kalaksanayang olih sang malaksana.
- (4) Prade wenten jatma mamisuh utawi nguman-uman jatma tiyos kakenanin pamidanda manut pararem tur pamrayascita.

Pawos 30

- (1) Sang manggihin kahanan artha bhaya (kamalingan), patut ngulkul kalih tulud mapitulung anut ring pawos 17

(2) aksara c, utawi sang kamalingan atur supeksa ring Prajuru Desa sane pacang nimbangin utawi mamidanda manut pararem, saha maweweh panyangaskara, prade wenten jadma ngamaling barang sinanggeh suci, sang malaksana ka aturang ring sang Ngawawenang.
- (2) Pra tingkahe mapailon ring dusta kabawos saruron, prade wenten jatma manggihin maling tan nyadokang ring

Prajuru.....

Prajuru jantos jatma tiyos nyaduang, patut kadanda kadi dandaning maling, sakuweh pangargan wit, manut cacakan Banjar, tur prade jantos ping tiga malaksana asapunika, wenang kasukserah ring sang Ngawawenang.

- (3) Prade wenten jatma ngarereh raramon, makadi daun kelapa, ron tan pasadok ring sang neruwenang wit prade kacunduk (katara) patut kadanda kadi dandaning maling.

- (4) Yening wenten jatma ngranjing kapakubon wiadin pakarangan jatma tiyos rikala suwung, mawastu sang maderuwe karang kaicalan, wenang jatma inucap katuwekang antuk madewa saksi ring Pura Bale Agung / utawi ring Banjar.

- (5) Mangda tan katuwekang manut ring ajeng, sang ngranjingin pakubon jatma tiyos patut :

a. Matengeran suwara (makaukan).

b. Nyantos sang neruwenang karang rawuh, utawi masadok ring pangapit pinih tampek, maka buatan pangranjinge.

c. Pamedal karangnya kadaginjin sawen, maka cihna wenten sinoman ma arah-arah ritatkala suwung.

Kaping 6

Penyanggran Banjar

Pawos 31

Krama desa.....

Krama Desa rikala ngawentenang karya suka duka, patut kasanggra olih Banjar, luwire :

- a. Prade ngawangun Pitra Yadnya utawi Manusa Yadnya, manut pinunas sang mayadnya.
- b. Panguing rikala Pitra Yadnya manut abot dangan Yadnya; prade saking semengan jantos wengi katuran panguing ping kalih.
- c. Pangerombo utawi karya gotong-royong Krama jantos ping tiga, selangkungnya punika patut katuran panguing manut pararem.

SARGA IV

SUKERTA TATA AGAMA

Falet 1

Indik Dewa Yadnya

Pawos 32

Tatujon Agama Hindhu wantah manut sekadi linging Sruti
"Moksartam Jagadhita Ya Ca Iti Dharma".

Matatujon mangda ngamolihang karahajengan ring sajeroning ka-
huripan, sakala lan niskala malarapan antuk Tri Hita Karana.
Sane tatiga inucap patut kawerdiyang, mangda ngamangguhang
rahajeng, luwire :

- a. Parhiyangan
- b. Palemahan
- c. Pawongan

Manut Dasar Negara Pancasila ring Sila kapertama" Katu-
hanan Yang Maha Esa", sane nabdab saluwiring Agama, sane wen-
ten sajabag Jagat Indonesia taler ring Bali utawi ring sowang
sowang Desa Adat kamanggehang kawentenan Kanyangan Tiga.

a. Nganinin indik Parhiyangan ring Desa Adat Dlod Tukad
kapalihang dados :

- 1) Pura Kahyangan Tiga luwire :
 - a) Pura Puseh
 - b) Pura Desa / Bale Agung
 - c) Pura Dalem / Pura Praja Pati

2) Pura deruwen....

- 2) a) Pura druwen jagat Batubulan luwire :
 - a. 1) Pura Dalem Segara.
 - a. 2) Pura Dalem Mertha Sari.b) Pura druwen Banjar se Desa Adat Dlod Tukad luwire :
 - b. 1) Pura Perepan Manguntur, ka among olih pe-
maksan Banjar Manguntur lan Sasih.
 - b. 2) Pura Perepan Sapuh Jagat, ka among olih pe-
maksan Tegeha.
 - b. 3) Pura Dalem Pangilen, ka among olih Banjar
Kapal (Br. Kalah, Br. Buitan lan Br. Daton).
 - b. 4) Pura Perepan Tubuh, ka among olih Banjar
Tubuh.
- 3) Pura druwen Krama Carik, luwire :
 - a. Pura Gunung, pengulun Subak Palekan lan Subak Sasih
 - b. Pura Ulun Tembuku, pengulun Subak Pasekan.
 - c. Pura Tiyingan, pengulun tempek Subak Pasekan.
 - d. Pura Jelih Lambih, pengulun Subak Sumandang lan
Subak Silungan.
 - e. Pura Masceti, ka among olih Krama Carik sawidang-
an Desa Batubulan.
- 4) Pura manut gaginan (swagina) luwire :
 - a. Pura Penataran.
 - b. Pura Beji Manik Toya.
 - c. Pura Beji.
 - d. Beji Belong.
- 5) Pura sowang-sowang Dadya / Paibon, luwire :
 - a. Pura Batu Lembang.
 - b. Pura Pantiyasa.
 - c. Pura Telutug.
 - d. Pura Puseh Manguntur.
 - e. Pura Dalem Betelan.
 - f. Merajan Batur Sari.

g. Pura.....

- g. Pura Kahyangan Api.
- h. Merajan Pangukuh.
- i. Pura Braban.
- j. Pura Lunggahan Bingin.
- k. Pura Gagelang.
- l. Pura Dalem Tembau.
- m. Merajan Agung.
- n. Pura Dalem Merthasari Patal Tohpati.
- o. Pura Dalem Nyuhaya.
- p. Pura Leba.
- q. Pura Badhamanis.
- r. Pura Tulang Liman.
- s. Pura Temesi.
- t. Pura Budhamanis.
- u. Pura Pedungan.
- v. Merajan Batubulan.
- w. Pura Kedatuan.
- x. Pura Baturaji.
- y. Merajan Tunggun Lawang.
- z. Pura Buitan.
- a.l. Pura Kamulan.....

- a.1. Pura Kamulan.
- a.2. Pura Pauman.
- a.3 Pura Panti.
- a.4 Pura Penatih.
- a.5 Pura Bangun Sakti.
- a.6 Pura Manik Pancung.
- a.7. Pura Belong.
- a.8 Pura Dalem Tangkub Sari.
- a.9. Pura Pasek.
- a.10 Pura Dalem Sumertha.
- a.11 Pura Budhamanis.
- a.12 Pura Budamanis.
- a.13 Pura Ka-aengan.
- a.14 Pura Saluli.
- a.15 Pura Tegal.
- a.16 Pura Kedaton.
- a.17 Pura Budhamanis.
- a.18 Pura Gunung Agung.
- a.19 Pura Panti.
- a.20 Pura Hyang Sangsi.
- a.21 Merajan Taman Harum.

- 6) Rahina Piodalan sowang-sowang Kahyangan :
Ring Kahyangan Tiga :
a. Pura Puseh : Purnamaning Kedasa.
b. Pura Desa / Bale Agung : Purnamaning Kapat.
c. Pura Dalem : Ganiscara Kuningan.
Ring Pura Druwen Jagat :
Pura Dalem Segara / Dalem Mertha Sari, piodalan ring
rahina Purnamaning Sasih Kalima nibening ka pasah.
- 7) Pengaci ring Pura inucap manut kecap Sastra Agama saha
kalaksanayang Nista, Madya, Utama manut pararem Pakraman.
Sejabaning Pengambilan Karya Mautama (Ngusaba Nini, Ngu-
saba Desa) patut kalaksanayang nyabran dasa (10) warsa,
miwah patut ngawentenang Upacara Mamungkah nyabran sa -
tus (100) warsa sapisan, tur patut ka among olih Desa
marep lan Desa Pangele.
- 8) Pangamong sowang-sowang Pura manut dresta kadi ring sor:
1) Pura Kahyangan Tiga :
a. Pura Puseh Ka among olih tigang Desa Adat, se
Desa Adat Batubulan utawi ayah marep.
b. Pura Desa / Bale Agung ka among olih : Desa Adat
Dlod Tukad / ayah marep.
c. Pura Dalem / Praja Pati ka among olih : Desa
Adat Dlod Tukad.
- 2) Pura Druwen Jagat ka among olih : Tigang Desa Adat,
se Desa Adat Batubulan luwire :

a. Pura.....

a. Pura Dalem Segara.

b. Pura Dalem Mertha Sari.

3) Tiyosan ring Pura-pura inucap ring ajeng (angka 1) lan 2).) ka among olih pedadiannya sowang-sowang.

Pawos 33

(1) Ring sowang-sowang Pura inucap patut ka adegang Pamangku.

(2) Tata cara ngadegang Pamangku :

a. Nganutin Waris / Katurunan.

b. Nganinin tatigehan, sajabaning wenten Krama sane ka elingang utawi kalinggihan.

(3) Nenten kawenang angge Pamangku :

a. Cedangga luwire : Perot, Canggih, Peceng, lan sapanunggilannya.

b. Sungkan Ila, ayan, buduh wiadin edan.

c. Sane nenten maderbe kasucian urip.

(4) Prabiya Kapemangkuan :

a. Adiksa Widhi (ngawinten) kamedalin utawi kalaksana-
yang olih sang ngadegang, mina kadi Krama Desa utawi pangempon Pura sowang-sowang.

b. Mapitra Yadnya riwekas patut kasungkenin olih Krama
Desa utawi pangamong sanistane Brahma Prayascita ,
penyanggrane manut pararem.

c. Prabiya sane patut kamedalang olih Krama marep / patas
luwire : beras, jinah manut pararem.

(5) Pemangku patut ngemanggehang sesananing Pamangku luwire:

luwire :

- a. Ambek dharma sadhu.
- b. Asewaka dharma, makadang sastra utama.
- c. Tan parek ring naya dusta.
- d. Tan atayub ring tarub camara yudha.
- e. Tan manjing ring umah wong bhanija krama.
- f. Tan manjing ring umah wong drati krama.
- g. Tan pati pikul-pikulan.
- h. Tan wenang salah sulub.
- i. Tan anginum asing angawe mada.
- j. Tan wenang ajajuden.
- k. Tan wenang anayub toyaning cor, yan mawyawahara teka wenang adewa saksi.
- l. Tan griganing wong akweh.
- m. Tan keneng cuntakaning wong len, sejawaning kulawargania tunggil natar, utawi pasiwanian.

Pawos 34

Swadarmaning Pamangku luwire :

- a. Ngenterang Upacara Piodalan ring Kahyangan utawi ring sowang-sowang pakubon Krama.
- b. Ritatkala piodalan ring Pura amongan Jagat, patut sareng-sareng ngayahin (Pamangku sane ka adegang olih Jagat).
- c. Prade salah sinunggil Pamangku kapialang utawi cuntaka wenang nguntap Pamangku siyosan utawi nuwur sang Sulinggih.

- d. Samaliha yan sampun Pamangku ngayah Ming Pura, prade wenten kulawarga Pamangku inucap kapialang / seda Pamangku nenten keneng cuntaka, sakewanten Pamangku nenten dados budal salami piodalan, yening budal, swa - karya Pamangku inucap kagentosin olih Pamangku siyosan.

Pawos 35

Pituwas utawi olih-olihan Pamangku luwire :

- a. Panyolasan miwah sarin canang sowang-sowang amongan druwen Krama Desa.
- b. Nyabran ngawarsa polih busana arangsukan.
- c. Luput sawungkul / manuk, sajabaning ring Krama Subak.
- d. Paindikan prabiya pengacin Prnama, Tilem, Kajeng Kliwon, Galungan, Kesanga nganutin pengargan barang.
- e. Upon laba carik.
- f. Pituwas sewosan manut pararem.

Pawos 36

Pamangku kagentosin riantukan :

- a. Seda.
- b. Kawusang olih Krama sangkanin Pamangku malaksana sane nenten patut (asta dusta).
- c. Pinunas ngeraga, manawi kageringan lan sapanunggalannya.
- d. Prade Pamangku kawusang sangkaning malaksana tan patut keni pamidanda saha ngawaliang prabiya pawintenan pe-cak manut pararem.

Pawos 37

Kasukertan Kahyangan kadi ring sor :

a. Nenten kalugra ngranjing ke Pura luwire :

- 1) Sang katiben cuntaka.
- 2) Makta sahananing bebaktan sane ngaletihin.
- 3) Sato agung, sajawaning rikala mapepada.
- 4) Mabusana nenten manut kadi tata kramaning ngranjing ka Pura.
- 5) Sadurung polih wak-wakan (pituduh) Prajuru utawi Bendesa Adat.

b. Sasana sane nenten wenang ring Pura :

- 1) Masumpah (macoran) sejawaning pituduh Prajuru utawi Bendesa Adat.
- 2) Makobetan, maseneng-senengan, makolem dados asiki lanang - wadon, mabacin, mawarih, mawiyawahara, nyangsang busana / mecikang busana, ngarereh petpetan ring perabu, macecepin rare.
- 3) Mungguh tedun ring palinggih sajawaning pituduh Prajuru utawi Bendesa Adat.

c. Sang mamurug kecap ring ajeng keni pamidanda pamrayascita sapatutnyan e.

Pawos 38

- (1) Yening wenten jadma karauhan ring Pura, patut kapintonin, prade rumasa kasumangsayan, yening nenten wiyakti jadma inucap kasisipang manut pararem.

(2) Prade.....

- (2) Prade Kahyangan kahanan durmangala, minakadi kapanca bhaya, sang manggihin / Pamangku, patut digelis nya-dokang ring Prajuru utawi Bendesa Adat mangda maru-mang Krama Desa tur ngawentenang pamrayascita sepatutnya.

Palet 2

Indik Resi Yadnya

Pawos 39

- (1) Sang pacang madeg Pandita utawi Pinandita minakadi Balian Sonteng, Dalang, saha luwiring jagi ngenterang yadnya patut masadok ring Prajuru Desa utawi Parisada Hidhu Dharma Indonesia.
- (2) Prajuru Desa patut ngawas nitenin tur naweng ngalangin prade wenten kacihnian sasar ring ling sastra Agama, tur sareng nyaksinin upacara saha miyaktayang (nyiarang) ring paruman Desa tegap rawuhing wates kawenangannya ngenter yadnya.
- (3) Krama Desa patut ngaturang ayah sapemadeg miwah ring pangelepas sang Sulinggih riwekas katuntun olih Prajuru Desa.

Pawos 40

- (1) Sang Sulinggih patut ngariyinin ngrayunin / muputang yadnya ring Desa Adat Dlod Tukad, sesampun punika wawu muputang yadnya kajebat tiyos Desa.
- (2) Krama Desa sami patut sareng nyelehin / nitenin katuntun olih Prajuru Desa mangda sahananing yadnya sane kawentenang kaicen pamuput olih Ida Pedanda utawi Pinandita manut kawenangannya sowang-sowang.

Pamargin Pitra Yadnya Madudonan manut sekadi ring sor :

a. Pangupakaran sang kalayu sekaran :

- 1) Antuk mendem, maka cihna pakingsan ring ibu Pertiwi.
- 2) Atiwa-tiwa (upacara pangabenan / palebon), masenger 12 (roras) rahina, sajawaning wukun Dungulan nyantos wuku Pahang.
- 3) Risampun wusan ngaben ring pangiriman mangda kapuput antuk sang Sulinggih.

Swadarmaning lan tategenan prade wenten sinalih tunggil Krama kalayu sekaran :

a. Sang kaduhkitan patut :

- 1) Nyadokang ring Kelihan Banjar tur nunas tatimbangan ring kawentenannya.
- 2) Ngaturin Banjar ngarombo makarya eteh-ete sawa, kadu-lurin panyemberama canang sasidan-sidaan, pangrombone jantos nganter ka setra.

b. Swadarmaning Banjar / Desa :

- 1) Kelihan Banjar maritatas pamargin sang kaduhkitan

napike pacang kapendem, makingsan riyin utawi lan tur kaabenan / kapelebonang.

2) Prade kapendem, raris kawentenang kulkul pamitahu o-
lih Kelihan Banjar utawi penyadenya.

3) Penyanggran Banjar salanturnya :

a. Sowang-sowang Krama Banjar nedunin patus beras ,
jinah, manut pararem.

b. Ngarombo ngaryanin ete-ete sawa saha kasarengin
oli Krama sane rawuh nyaksinin.

c. Sami Krama Banjar nganter ka setra jantos pamen-
deman puput.

d. Tan dados ngalelet langkungan ring roras rahina ,
tur patut polih pagebagan manut paetangan Kelihan
Banjar / Patuṣ, sajawaning warga Puri, Pamangku
lan Sulinggih.

e. Tan kalugra nginepang bangbang miwah mendem ri -
kala :

1) Semut sadulur.

2) Kala gotongan.

3) Prawani.

4) Purnama.

5) Tilem.

6) Kajeng Keliwon.

7) Buda.....

- 7) Buda Keliwon.
- 8) Anggara Kasih.
- 9) Buda Cemeng.
- 10) Tumpek.
- 11) Saraswati.
- 12) Somaribek.
- 13) Sugi Jawa / Bali.
- 14) Rahina Nyepi.
- 15) Watu Gunung Runtuh.
- 16) Candung Watang.
- 17) Tan kalugra mendem sawa "tetiga" sajeroning rahina.
- 18) Yen wenten atiwa-atiwa/ngaben tan kawenang :
 - a. Tan wenang wadiah asiki madaging sawa "tatiga".
 - b. Ring Desa Adat Dlod Tukad tan wenang ngarya-ning wadiah "tatiga" arahina.
- 19) Pemargin ngutang sawa, tan wenang ngelangkar sawa.
 - f. Rikala piodalan ring Kahyangan Tiga/Kahyangan Jagat, prade wenten kalayu sekaran, sadurung Ida Betara Ngadeg kalugra mendem/makingsan, pamargine wengi.
Rikala piodalan ring Jagat, prade wenten kalayu sekaran, sajeroning Ida Betara Ngadeg nyantos Nyineb, tan wenang mendem/makingsan.
 - g. Pawanengan ngeseng sawa ring setra Desa Adat Dlod Tukad masengker roras (12) rahina.
 - h. Sajeroning....

- b. Cuntaka ngaraja swala, tigang rahina ngawit saking ngaraja swala utawi salaminig ngraja swala, sa - sampune wusan mekramas.
- c. Cuntaka ngembas putra, 42 rahina (abulan pitung di - na), ngawit saking putrane embas ngantos kekarya - nang pekambuhan tur maprayascita manut sastra Aga - ma sane istri, sane lanang roras rahina.
- d. Cuntaka karuron, cuntakanya abulan pitung rahina sa - ne istri tur sane lanang tigang rahina utawi sampun matirta prayascita.
- e. Cuntaka pawiwahan, cuntakanya ngantos sasampune ma - tirta pabiya kawonan (maupakara pakala-kalaan).
- f. Cuntaka gamia gamana, cuntakanya ngantos sasampune kapalasang utawi masapihan tur sampun kawentenang pamrayascita raga miwah sampun kawentenang pamrayas - cita Desa Adat / Kahyangan, manut pararem.
- g. Cuntaka salah timpal, kapuputang manut sastra Agama Hindhu tur dresta.
- h. Cuntaka mamitra ngalang, cuntakanya ngantos kawen - tenang upacara pabiyakawonan (maupakara pakala-kalaan).
- i. Cuntaka ngembasang putra sane nenten wenten upacara pabiyakawonan miwah upacara pawidi widana, cunta - nya ngantos wenten sane mameras putra inucap tur sam - pun kawentenang upacara manut sastra Agama Hindhu.
- j. Cuntaka Sad Atatayi, cuntakanya sampun maprayascita raga tur nenten pisan dados ngamunggahang upacara padwidian.

(3) Cuntaka kalayu sekaran / padem :

a. Padem cuntakanya :

1) Cuntaka/sebel ka-banjar riwusnya mendem utawi sasampune polih prayascita.

2) Kulawarganya sajeroning pakarangan ngantos :

a. Brahmana 7 (pitung) rahaina.

b. Satrya 12 (roras) rahina.

c. Wesiya 17 (pitulas) rahina.

d. Sudra 17 / 22 (pitulas / dua likur) rahina.

3) Kacuntakaan ayah-ayahan jagat manut pararem.

b. Ka abenang cuntakanya :

Sang nyambut karya Pitra Yadnya cuntakanya ngawit saking nyambut dewasa, nanceb Surya, rawuh riwus yadnyanya (mapegat) katutugang malih tigang rahina.

(4) Sane katiben cuntaka luwire :

a. Kalayu sekaran sane kacuntaka :

1) Sang sane kalayu sekaran.

2) Kawula warganya.

3) Babanjaran.

b. Ngaraja swala sane kacuntaka : sang sane ngaraja swal

c. Ngembas putra sane kacuntaka : reramanya, lanang wiyadin istri.

d. Pawiwahan sane kacuntaka : sang sane kaupacara pawiwahan lanang wiyadin istri.

e. Karuron.....

- e. Karuron sane kacuntaka : reramanya lanang wiyadin istri.
 - f. Gamia gaman sane kacuntaka :
 - 1. Sang sane ngelaksanayang gamia gamana.
 - 2. Desa Adatnyane.
 - g. Salah timpal sane kacuntaka : sane ngelaksanayang lan Desa Adatnyane.
 - h. Anak istri mobot nenten kawentenang upacara pabiya - kawonan, sane kacuntaka : sang meraga istri (sane mobot).
 - i. Mamitra ngalang sane kacuntaka : sang sane ngalaksanayang mamitra ngalang.
 - j. Ngembas putra nenten kawentenang upacara pabiya kawonan miwah pawidi widana sane kacuntaka : sang sane ngembasang putra, putra sane embas.
- (5) Tan keneng cuntaka luwire :
- a. Sang Sulinggih lan Pamangku Kahyangan Desa.
 - b. Rikala piodalan risampun ngalang sassih / ngalang tengah.

Pawos 44

- (1) Atiwa-atiwa (pengabenan) kalaksanayang antuk :
- a. Sawa prateka.
 - b. Nyawa Rai.
 - c. Swasta.

- (2) Panemayan pengabenan wenten kalih pawos :

a. Ngaben.....

- a. Ngaben dadadakan/bah bangun kadadosang, manut senger pawos 41 aksara a, sasampun ngelaksanayang upacara ring setra sepatutnya.
 - b. Siyos ring ajeng ngaben ngegalung nyabran tigang warsa apisan.
- (3) Dudonan pengabenan ngawit saking ngagah (seda), ngeseng ngantos pengiriman utawi nganyut.
 - (4) Yen wenten wit Krama Desa, Desa Adat Dlod Tukad ngelintang/melaku ke Dura Desa Adat tiyos, ri pet mewali ke Desa Adat Dlod Tukad sedurung tedun mekrama Desa Adat, patut keni penanjung batu nganutin pararem.

Pawos 45

- (1) Peputusan pangabenan wenten kali pawos :
 - a. ngaben ngamasa manut pararem.
 - b. Ngaben dadakan pateh sakadi sane kapendem, manut pararem swang Banjar.
- (2) Pangingune ring Krama Banjar ngawit ngayahin manut bobot utawi dangan kawentenan karya.

Palet 4

Indik Manusa Yadnya

Pawos 46

- (1) Manusia Yadnya inggih punika upacara-upakara darmaning manusa ngawit sakeng patemoning kama bang kalawan kama petak sajeroning garba ngantos kalayu sekaran.
- (2) Upacara kadi ring ajeng madudonan sekadi ring sor :
 - a. Upacara magedong-gedongan duk ngerempini I Biyang.
 - b. Duk sang putra medal/embas.

- e. Kepus odel.
 - d. Roras rahina.
 - e. Tutug kambuhan 42 (petang dasa dua) rahina.
 - f. Nigang sasihin (3 bulan).
 - g. Pawetuan/otonan/odalan 6(enam) sasih.
 - h. Tutug kelih (ngaraja swala wadone, ngembakin lanange (ngaraja singa).
 - i. Matatah/mapandes.
 - j. Mawiwahan.
 - k. Mawinten.
- (3) Upacara-upacara inucap manut sastra Agama Hindhu utawi catur dresta nista madya utama.

Palet 5

Indik Butha Yadnya

Pawos 47

- (1) Butha Yadnya inggih punika upacara-upakara biyakala ring p retiwi lan Kahyangan, sarwa prani saha piranti, upacara-upakara ring Babuthan.
- (2) Upacara pabiyakala ring sarwa prani lan piranti luwire:
- a. Ring sarwa tumuwuh, rikala Tumpek Pangatag (rahina Saniscara Kliwon wuku Wariga).
 - b. Ring sarwa ingon-ingon, rikala Tumpek Andang (rahina Saniscara Kliwon wuku Uye).
 - c. Ring sarwa raringgitan, rikala Tumpek Wayang (rahina Saniscara Kliwon wuku Wayang).
 - d. Ring sarwa lalandep, rikala Tumpek Landep (rahina Saniscara Kliwon wuku Landep).

- e. Ring sarwa lalangan, rikala Tumpek Krulut (rahina Saniscara Kliwon Wuku Krulut).
 - f. Ring sarwa siandana rikala Tumpek Kuningan (rahina Saniscara Kliwon wuku Kuningan).
 - g. Upacara pakala-kalaan manusa manut widana, kabawos pabiya kalaan.
- (3) Upacara pabiya kalaan ring pertiwi, Kahyangan lan Babhutan kawastanin macaru.
- (4) Pacaruan inucap ring ajeng nista madya utama manut wiguna kadi ring sor :
- a. Eka sata.
 - b. Panca sata.
 - c. Panca sanak.
 - d. Resi gana.
 - e. Tawur agung.
 - f. Panca kelud.
- (5) Sejawaning kadi ring ajeng kawentenang upacara :
- a. Majot-jotan utawi yadnya sesa (masaiban) nyabran wusan ngarateng.
 - b. Masapuh-sapuh rikala pacang wali ring pura.
 - c. Rikalaning wali utawi Galungan patut Krama Desa mamenjor ring sowang lawangnya mangda jangkep upakaraning penjor.

- (1) Nangken ngawarsa rikalaning Tilem Kasangan kawastanin Tawur Kasanga, kalanturang antuk ngarupuk, macihna

pacang mapag rahina Penyepian benjangne.

(2) Brata penyepian sane kamargiang olih Krama Desa :

a. Amati geni, tan kalugra ma api- api.

b. Amati karya, tan kalugra ngambil pakaryan.

c. Amati lelanguan, tan kalugra maoneng-onengan, masu-
ara gora, lan sapanunggalannya.

d. Amati lalungan, tan dados malalungan.

(3) Paberataan inucap kamargiang sakeng semeng ngantos se-
meng benjangne, raris kasuwarayang kulkul pinaka cihna
pangembak.

(4) Sang mamurug kecap ring ajeng keni pamidanda manut pa-
rarem Banjar sowang-sowang kamargiang olih Pacalang Desa.

(5) Riwus rahina Nyepi (benjangne) maka cihna pengawit Isa-
ka Warsa, patut sowang-sowang warga Desa sami madharma
shanti.-

SARGA V

SUKERTA TATA PAWONGAN

Palet 1

Indik Pawiwahan

Pawos 49

- (1) Pawiwahan inggih punika patemoning purusa-pradana, malapan panunggalan kayun suka lila kadulurin upasaksi sekala lan niskala.
- (2) Pamargin pawiwahan luwire :
 - a. Papadikan, kamanggala antuk pakrunan.
 - b. Ngarorod, marangkat riyin wawu kakrunayang (ngaluku).
 - c. Nyeburin utawi sentana nyeburin (risampun nganutin upacara pamerasan).
- (3) Pidabdab sang pacang mawiwaha patut :
 - a. Sampun munggah dahan taruna (prasida nganutin undang-undang.).
 - b. Sangkaning pada lila lan tresna (tan kapaksa).
 - c. Nganutin kecaping agama (tan gamya gamana).
 - d. Kasudiwadani, prade pangambile tiyos agama.
 - e. Kapatiwangi, prade pangambile singgihan wangsa.
- (4) Pamargin pawiwahan mangda taler nganutin undang-undang sakeng sang ngawawnang.

Pawos 50

- (1) Pawiwahan sane kapatutang ring desa, sekadi ring sor :
 - a. Sampu.....

- a. Sampun kamargiang pabiyakala utawi pasakapan, kasak-siyang sakala niskala olih Pandita / Pinandita.
 - b. Wenten pasaksi prajuru adat sane mapakelingin utawi ngilikitayang pawiwahan.
 - c. Sampun matengeran suaran kulkul.
 - d. Pawiwahan inucap ring ajeng sampun kailikitayang ring sang ngawewenang.
- (2) Parabian sane tan manut kadi ring ajeng sinanggeh tan patut (tan sah).

Pawos 51

- (1) Tata caraning parabian patut sakadi ring sor :
- a. Sapasira ugi pacang ngawarangang pakulawargan, patut masadok ring Prajuru Desa, salanturnyanne Prajuru Desa maritetes pawarangan punika manut tan manut kacecap parabiane.
 - b. Pamargin papadikan manut sakadi ring sor :
 - 1) Kulawargan sang lanang ngrawuhin kapakubon sang istri, maduluran babaktaan: Peras daksina kakalih lan pacanangan.
 - 2) Sang lanang kasade olih sinalih tunggil kulawarganya midartayang indik pangrawuhnyane jaga ngedih sang istri ring kulawargannyane.
 - 3) Kulawargan sang istri mapitaken ring sang istri napi prasida nagingin pangedih sang lanang.
 - 4) Risampune sang istri prasida nerima pangedih sang lanang, munggwing pangambilannyane nemoning padewasan.

- (2) Risampun puput raris sang istri budal ring pakubon sang lanang, saha kalanturang antuk pabiyakala.
- (3) Mangda puput tumus sakala niskala raris kulawarga purusa makta pajadi ring merajan wadone.
- (4) Prade ngrorod / marangkat patut :
 - a. Raraman lanange ngawentenang pamilaku/panglukuan antuk dutta sakirangnya 2 (kali) diri.
 - b. Pagenahan aptenpyane tan kengin ring pakubon sang lanang sadereng masegeh Agung utawi mabiyakala.
- (5) Sajeroning pakrunan/panglukuan patut :
 - a. Kamanggala antuk geng pangempura marep ring reraman wadone.
 - b. Kaigumang bawos idih pakidih utawi palegayan mare ring pasewakan sang ngidih saha dewasa pakerab kambeane riwekas.
 - c. Kacihnayang indik kapurusan utawi prade sentana rajeg kejejerang kapatut ngidih anak lanang sane kabawos pawiwahan nyeburin, tur risampun kategepin kamanggeh-ang sentana nyeburin.
- (6) Pakerab kambeane mapiteges upacara tinas apadang (puput) mapikuren, dwaning manut sakadi ring sor :
 - a. Sajeroning kabawos pakerab kambe, kalaksanayang ring sakala niskala antuk sarana jejauman miwah pawidi - widana :
 - 1) Jejauman pinaka ambe kelaksanayang risampun kayun pakulawargan wadone adung.
 - 2) Widiwidana pinaka pajati niskala nunas wadone ring pamrajannyane.
 - b. Sajeroning....

b. Sajeroning bawos kerab, pelaksana ring sakala :

- 1) Antuk panyaksi Krama Banjar, dwaning kakerabiyang antuk tengeran suaran kulkul.
- 2) Pamekas panyaksi Prajuru Desa saha ngilikitayang.

Palet 2

Indik Nyapihang

Pawos 52

- (1) Pawiwahan sinaggeh wusan malarapan antuk palas parabian utawi kapademan.
- (2) Wusan mapikuren riantukan salah sinunggil seda mapiteges balu, makadi balu lanang / istri.
- (3) Palas marabian wenten kalih pawos inggih punika sangkanin pada lila utawi mawiwit wicara.
- (4) Sang ayat palas marabian patut atur supeksa riya ring sang Rumawos wastu tinas kabawos nyapihan, raris Prajuru Adat nyobiyahang ring Desa saha keni panumbas nuwara kulkul manut pararem.

Pawos 53

Tatacara palas marabian sekadi ring sor :

- a. Nawur prabeya pasaksi manut pararem.
- b. Pagunakayan polih pahan pada.
- c. Pabekel, tatatadan sowang-sowang kekuasa niri-niri, miwah warisan kakwasaan olih purusa.
- d. Ngaweruhin miwah ngupajiwen prati sentana manut swadarmaning guru rupaka.
- e. Kakeninin pamidanda masamsam beras kuning ring Bale Agung

Pawos 54.....

Pawos 54

Prade riwekas sang palas kacihnian adung malih patut :

- a. Ngalaksanayang pawiwahan malih.
- b. Kadanda nikel sakeng palase, manut pararem.
- c. Palas ping kalih tan dados mawali marabian.

Pawos 55

(1) Sang balu kabinayang dados :

- a. Balu luh wit sentana (sentana rajeg), miwah balu luh boya sentana.
- b. Balu muani kapurusa (wit sentana) miwah balu muani nyeburin (boya sentana).

(2) Swadarmaning balu inucap patut :

- a. Ngamanggehang pati brata tan kengin ngamargiang para-dara/dratikrama.
- b. Ngwasayang waris, pangunakaya, tan dados ngadol, ngadeang, makidihang lan siyosan punika sajawaning kabebasan saking kulawarga purusa prade pianak kanton alit-alit.
- c. Kengin ngidih sentana prade wenten pidabdab sadurung sinalih tunggil padem, saha kabebasan olih kulawarga kapurusa.
- d. Kawenangang mawiwaha malih, prade wenten kabebasan manut angka aksara ring ajeng.

Pawos 56

Balu kaucap tan pageh sakadi ring sor :

a. Dratikrama utawi paradara.

b. Matilar.....

- b. Matilar sakeng pakubon tan pasadok jantos 6 (enam) sasih.
- c. Lempas ring swadharma, tan prasida ngesehin solah mapra -
wertu marep ring pituduh sane patut sakeng kulawarga Pu -
rusa.

Palet 3

Indik Santana

Pawos 57

- (1) Santana wenten kalih pawos, sane kaucap Prati Santana
pawih santana paperasan.
- (2) Prati santana inggih punika santana sane metu sakeng Pa-
wihan.
- (3) Prade pawihahan tan patut, ngawetuang santana, mangda
tan kantun kawastanin babinjat utawi astra, patut kamang-
gala antuk panyangaskara.
- (4) Prade pawihahan tan ngawetuang santana kengin ngedih san-
tana antuk upasaksi sakala niskala sane kawastanin santa-
na paperasan.
- (5) Santana rajeg inggih punika, Prati santana wadon (pradana)
sane kemanggehang lanang (purusa) tur risampun ngelaksa-
nayang Pawihahan nyeburin.
- (6) Sang sane dados ka arsayang santana rajeg inucap wiwit
(5), inggih punika :
 - a. Pratisantana wadon tunggal.
 - b. Sampun kamanggehang dados pratisantana lanang (purusa).
 - c. Kapawihahan kaceburin, kautamayang antuk jadma sane ma-
agama Hindhu utawi jadma sane ma agama siwosan sane sam-
pun ngalaksanayang pamarisudha raga utawi sudhiwadhani.

Pawos 58

- (1) Ngangkat santana manut dudonan patut maka cihna arta be-rana pamerasan sane kasaksiyang sakala niskala.
- (2) Sapasira ugi Krama pacang ngidih santana patut masadok ring Bendesa sanistane tigang sasih sadereng pamerasan.
- (3) Bendesa kawakilin antuk Klian-klian Banjar nyiarang ring sawidangan Desa, sang sapa sira rumaksa tan lila mangda masengker sakirangnya kalih wuku (14 rahina) sabanen pa-merasan, sane kasaksiyang Bendesa Adat.
- (4) Prajuru / Bendesa Adat digelis saha ngicenin pamutus ne-pek ring catur Dresta miwah Pararem.
- (5) Prade sulur pamerasan tan manut ring kecaping ajeng Ben-des-a Adat wenang ngadeg sang pacang makarya, saha ngice-nin panuntun, mangda kapuputang riyin babawos sulur uta-wi wicaranya.

Pawos 59

- (1) Pamerasan sane kapatutang ring desa risampun makacihna :
 - a. Widhi-widana pamerasan.
 - b. Kasaksinin olih Bendesa Adat sane maka saksi utawi ngi-likitayang.
 - c. Kasiarang ring wawidangan Desane.
- (2) Sane patut kaperas angge santana kadi ring sor :
 - a. Jadma ma agama Hidhu.
 - b. Papernahan nedunang saking sang meras.
 - c. Kaulawarga saking Purusa, prade tan wenten kengin saking wadon yening taler tan wenten wawu kengin saking saka-ma-kama (saking kayun).
 - d. Kautamayang saking waris pancer Kapurusan.
 - e. Sinalih...

- e. Sinalih tunggil mawiwit saking kulawarga tunggal sang-
gah utawi marajan, paibon lan Dadya utawi ngambilin
anak tiyos sakewanten sang ma agama Hindhu.
- (3) Kengin ngangkat santana langkung ring adiri, lanang wia-
din wadon, yen sampun majangkepan.
- (4) Kengin ngangkat sentana alit wantah apisan, ring kaping
kalihnya mangda santana jangkep.

Palet 4.

Indik Warisan

Pawos 60

- (1) Warisan inggih punika tatamian arta brana saha ayah-ayah-
an ngupadi sukerta sakala niskala saking keluhurannia arep
ring turunannya.
- (2) Kang sinanggeh warisan luwire :
- a. Duwe tengah, makadi karang ayahan Desa, Kahyangan, Si-
wa Karana.
- b. Pamarajan.
- c. Pagunakaya, tatatadan/jiwa dana lan utang piutang.
- (3) Wawu kengin kabawos warisan prade wenten :
- a. Sang mapiturun (pawaris).
- b. Katurunan (akhli waris).
- c. Arta brana miwah tategenan (ayah-ayahan) maka cihna
warisan.

Pawos 61

- (1) Akhli waris luwire :
- a. Pratisantana purusa.
- b. Pratisantana pradana (santana rajeg).
- c. Santana paperasan lanang / wadon.

(2) Prade tan wenten sakadi ring ajeng, sang sinanggeh akhli waris :

- a. Turunan purusa pernah ngunggahang rarama lanang, pekak salantur ipun rerama misan mindon.
- b. Turunan purusa pernah kesamping makadi kaponakan misan miwah mindon.

Pawos 62

Swadarmaning akhli waris patut :

- a. Nerima saha nguwasayang tatamian saking kaluhurannia makadi ngarombo sanggah, Pura saha pangupakarannya miwah nyaledi - hin ayah-ayahan pawaris.
- b. Nawurin utang-utang pawaris sane manut pangeloike.

Pawos 63

Pangepahan waris manut sakadi ring sor :

- a. Risampun kalaksanayang Pitra Yadnya lan utang-utang pawaris buntas katawur.
- b. Para akhli waris polih pahan pada sangkaning pagunakaya, sajawaning Karang /Tegak ayahan Desa kaamong olih akhli waris sane kasinanggeh krama ngarep.
- c. Sinalih tunggil akhli waris kengin tan polih pahan gunakaya prade :

1) Nilar kawitan lan sasananing Agama.

2) Alpaka Guru Rupaka.

3) Santana rajeg kesah mawiwaha utawi pratisantana nyeburin sowang-sowang kabawos ninggal kadaton.

d. Boya akhli waris kengin muponin hasil anut dudonan luwire :

1) Santana.....

- 1) Santana luh, selami dereng kesah mawiwaha utwai tan al-paka guru miwah prade madruwe pianak tan kaangkenin antuk wong tua rare inucap, kengin ngawaris wantah piko - lih(pagunakayan) santana luh inucap kemawon.
 - 2) Mulih daha utawi taruna, riantukan ring pawiwahane pe - cak sampun kabawos ninggal kadaton.
- e. Pawaris kengin mawewh rikala maurip pinaka jiwa dana, tatatadan/bekel, maka cihna paweweh tetep ring pianak sane kesah mawiwaha.

Pawos 64

- (1) Prade sajeroning pakulawargan wenten ahli waris langkung - an ring adiri patut :
 - a. Kawentenang paigum indik padum waris inucap.
 - b. Yan tan prasida katunasang tatimbang ring Prajuru Adat (Kerta Desa).
 - c. Prade taler tan wenten cumpu ring panepas Kerta Desa, kengin katunasang ring sang Rumawos.
- (2) Prade wenten karang kaputungan, patut Prajuru nibakang ring:
 - a. Sang sinanggeh ahli waris manut pawos 61.
 - b. Sang kengin anggen santana manut pawos 59 (2) miwah (3).
 - c. Prade taler tan wenten cumpu ring panepasan Kerta Desa, kengin katunasang ring sang Rumawos.
- (3) Sane kaucap karang ayahan Desa tan kawenangan kaepah utawi kasepih.

Prade jantos karang Desa kasepih, patut sowang - sowang

neduning.....

neduning makrama Desa marep manut pararem.

- (4) Sapa sira sinalih tunggu maduwe pagenahan ring wawidangan Desa Adat Dlod Tukad, patut neduning makrama Desa Adat Dlod Tukad marep.

* WS *

SARGA VI

WICARA LAN PAMIDANDA

Palet 1

Indik Wicara

Pawos 65

- (1) Sane wenang mawosin utawi mutusang wicara ring Desa ing-
gih punika Prajuru sinanggeh Kerta Desa.
- (2) Prade sang mawicara tan cumpu ring pamutus Kerta Desa,
kengin nunasang wicara inucap ring sang Rumawos.

Pawos 66

- (1) Sahanan wicara mawiwit kacorahan sakaluwiring sinanggeh
nungkasin daging Awig-awig, pararem miwah paswara Desa/
Banjar, Prajuru patut digelis mawosin tan nyantos pasa-
dok.
- (2) Sajaba wicara kadi ring ajeng patut nyantosang pasadok
sang nunas bawos.
- (3) Panepase patut pastika nyantenang iwang patut melarapan
Tri Pramana (bukti, saksi, ilikita) miwah tan maren nepek
ring catur Dresta.

Palet 2

Indik Pamidanda

Pawos 67

- (1) Desa / Banjar wenang niwakang pamidanda ring warga Desa
sane sisip.
- (2) Paniwak inucap kalaksanayang olih Bendesa/Kelihan Banjar.

(3) Bacakan.....

(3) Bacakan pamidanda luwire :

a. Ayahan panukuan kasisipan.

b. Danda arta.

c. Kadaut karang ayahannya.

d. Kanorayang. 

e. Panyangaskara.

(4) Pamidanda sane katiwakang patut masersinggihi manut ring kasisipane.

(5) Jinah utawi artha brana pamidanda ngranjing dados druwen Desa / Banjar.

Pawos 68

(1) Krama sane langkung ring tigang paruman ngalantur tan nawur urunan miwah dadendan wenang katerag.

(2) Tateragan ngangge tata cara kadi ring sor : 

a. Kalaksanayang olih Prajuru kasarengin olih Krama Desa, sakirang-kirangnyane tigang diri maka saksi.

b. Sang nerag sangkaning darsana ngambil barang utawi nyawenin tanem tuwuh, akehnya manut ring utang sang katerag.

c. Sang sane katerag sangkanin lila ngaturang barangnyane.

d. Prajuru miteketang mangda barang-barang sane katerag digelis katebus, masenger awuku (pitung rahina), ring kutus rahinane pacang kaadol.

e. Tan nganinin saluwir barang sane patut inggilang manut

Agama.....

Agama utawi mademang pangupa jiea sang katerag.

Pawos 69

- (1) Prade sang katerag ngalengin palaksana inucap mawastu sampun tan nganutin Awi-awig Desa wenang Karang Desa sane kagenahin kadaut olih Desane.
- (2) Samalih yan purun taler ngalengin palaksana kadi ring ajeng tan wenten pamargi sajawaning kanorayeng antuk krama Desane.
- (3) Pamidanda inucap ring ajeng sampun buntas yan sang kakakinin :
 - a. Nunas geng sinampura ring krama Desa riantukan nguwak pasubaya (pararem) pecak.
 - b. Nawur pangargan pangwak pasubayane duk katerag kadulurin mrayascita penyapsap kaiwangane ring Desa.

** WS **

Pawos. 70

Becang usaha milik Desa Pakraman.
- Keji Suma dya Ponda → Manis Pemma
→ Keji Sum dya Ponda → Manis P. Pengal
- Keji Suma dya Ponda → Manis Pakis
- LPS.

SARGA VII

NGUWAH-NGUWUHIN AWIG-AWIG

Pawos 70

- (1) Nguwah-nguwuhin Awig-awig Desa puniki kalaksanayang olih paruman Desa.
- (2) Awig-awig puniki kamargiang ngawit kaingkupin (kara-remin).

Pawos 71

- (1) Sakaluwiring sane wenten saderengnya patut kaanutang ring sadaging Awig-awig puniki.
- (2) Sakaluwiring sane durung kabawos ring sajeroning Awig-awig puniki patut kalaksanayang manut tata cara sane sampun mamargi kadulurin antuk pararem.

** WS **

SARGA VIII


P A M U P U T

Pawos 72

- (1) Awig-Awig puniki kararemin duk rahina SANISCARA wuku KUNINGAN pananggal / panglong 13 sasih KEDASA Içaka 1920 tanggal 25 April 1998, ring Pura Dalem Desa Adat Dlod Tukad Batubulan.
- (2) Awig-Awig puniki kalingga tanganin olih :
 - a. Bendesa Adat kasarengin Kelihan - kelihan Banjar se Desa Adat Dlod Tukad.
 - b. Maka saksi kalingga tanganin olih :
 - Prajuru Dinas se Desa Adat Dlod Tukad.
 - Bendesa Adat Desa Batubulan.
 - Kepala Desa, Desa Batubulan.
 - Camat Sukawati.
 - c. Pinih ungkur kaunggahang taler "PANITYA KECIL" penyusun Awig-Awig Desa Adat, Desa Dlod Tukad, manut surat perintah KOORDINATOR LEMBAGA DESA ADAT tanggal 20 Januari 1994 Nomer : Sprin-1/I/1994.
- (3) Luwir sang ngalingga tanganin :
 - a. Kapertama Prajuru Desa Adat Dlod Tukad :

Prajuru Desa Adat :

Bendesa Adat,



(I DEWA NYOMAN BADJERA)



Bendesa Adat,



(I WAYAN KAMASAN)

Prajuru Kelihan.....

Prajuru Kelihan-kelihan Banjar (Penyarikan) :

- 1) Kelihan Br Adat TUBUH
(I WAYAN DARMA)
- 2) Kelihan Br Adat KALAH
(I MADE WIDJA)
- 3) Kelihan Br Adat BUITAN
(I NYOMAN TIKAWAN)
- 4) Kelihan Br Adat KAPAL
(I DW MADE SUWETA)
- 5) Kelihan Br Adat TEGEHA
(I WAYAN MARSA)
- 6) Kelihan Br Adat Manguntur
(I NYOMAN REPOT)
- 7) Kelihan Br Adat Sasih
(I KETUT MUKA DUARSA)

b. Prajuru Dinas se Desa Adat Dled Tukad

- 1) Kepala Dusun TUBUH
(I MADE MATRAWAN)
- 2) Kepala Dusun KALAH
(I KETUT PICA)
- 3) Kepala Dusun BUITAN
(I WAYAN DIARTHA)
- 4) Kepala Dusun KAPAL
(I WAYAN RADA)
- 5) Kepala Dusun TEGEHA
(I WAYAN LINGGA)
- 6) Kepala Dusun MANGUNTUR
(I WAYAN KAMAR)
- Kepala Dusun SASIH
(I NYOMAN KOPI)

c. Prajuru.....

c. Brajuru Desa Adat / Dinas Desa Batubulan :



Benesa Adat Batubulan

(I IENOMAN YUDHA)



Kepala Desa Batubulan

KEPALA DESA

BATUBULAN

(COKORDA GDE AGUNG).

CAMAT SUKAWATI

I MADE BADRA BA.

NIP: 010073260

Mengetahui dan telah disetujui

Pada Tanggal : 14 April 1988
Nomor : 4 Tahun 1988



WALAKA BAHAN PENGHAT II CUMVAB

Ran

COKORDA GDE HUI SURYAWAN, SH.

LEMBAGA DESA
DESA ADAT DLOD TUKAD
BATUBULAN .-
===== WS =====

SURAT PERINTAH
No:Sprin-1/I/1994.

PERTIMBANGAN : Guna mempercepat pengurusan Awig-awig Desa Adat, se Desa Adat Dlod Tukad diperlukan membentuk satu panitia kecil dan tugasnya ditunjuk satu orang anggota LDA dari masing-masing Br. Desa Adat.

D A S A R : a. Surat Keputusan Bendesa Adat Dlod Tukad tgl. 11-3-1993 No:1/Kpts/III/93.
b. Kesimpulan Pesamuan LDA bertempat di Tura Dalam tgl. 20-1-1994 tentang melanjutkan penyusunan awig-awig Desa Adat.

DIPERINTAHKAN :


Kepada yang namanya tsb. dibawah ini :

- | | |
|------------------------------|-----------------|
| 1. I Dw. Nyoman Rai Hadnyana | Ketua / Anggota |
| 2. I Dw. Gde Mertha | Wk. " / " |
| 3. I Nyoman Wasa BBA | Sekretaris/ " |
| 4. I Made Doble | Wk. " / " |
| 5. I Nyoman Repot | Anggota. |
| 6. I Nyoman Alih | Anggota. |

Untuk : a. Tersebut angka 1 s/d 6 agar melaksanakan tugasnya se baik-baiknya.
b. Surat Perintah ini berlaku sejak dikeluarkan sampai ada surat pencabutan kembali.

Dikeluarkan : di Tegeha.

Pada tanggal : 20 Januari 1994



TINDASAN: 1. Klian Dinas/Klian Adat, dg. catatan: kepada ybs angka 1 s/d 6 diberikan kemudahan(fasilitas) yg diperlukan sehubungan dg penugasannya.-

CACIREN LAMBANG
(NIYASA)
DESA ADAT DLOD TUKAD
B A T U B U L A N.

Lambang Desa Adat Dlod Tukad Batubulan mewangun bucu lima .
(segi lima). Ring jeroning bucu lima medaging gambar, ing
gih punika makadi ring sor :

1. Gambar batu benjol pitu, caciren genah wawidangan/
druwen pitung Banjar Adat se Desa Adat Dlod Tukad.

2. Gambar OM (AUM) masurat aksara suci Bali, caciren
ayat astiti bhakti / mamuja Sang Hyang Tri Murti
malingga ring Kahyangan Tiga / Kahyangan Jagat.

3. Gambar padi lan Kapas.

Woh padi (bhoga) lan woh kapas (upa bhoga), pinaka
caciren Jagadhita, pangulatannya kasejahteraan ang
ga (lakhir).

4. Gambar Swastika.

Pinaka caciren Moksartham (kasejahteraan bathin).

Moksartham Jagadhita (kasejahteraan lakhir lan

bathin) patut kaulati olih sang (Krama) sane ne-

gegang Agama Hindhu Dharma.

5. Pita (selempang).

Ring jeroning pita masurat sa'santi aksara Bali,
masuwara "Sapta'ngga" (Sapta pa'ngga).

"Sapta'ngga".....

"Sapta'ngga" kapalih dados tigang warna luwir ipun :

- Sapta artin ipun pepitu
- pa' " " pamikukuh
- angga " " Banjar.

"Sapta'ngga" puniki pinaka caciren mapiteges sareng-sareng salunglung sabayantaka mapikukuhin daging Awig - Awig Desa Adat Dlod Tukad sane sampun kararemin olih pitung Banjar Adat.

Asapunika daging caciren lambang inucap mogi - mogi sira ugi sane ngewacen prasida uning.-

*** WS ***